

^a Cod. de P. P.
Orientis

Hæ omnes Prouinciæ à Præfecto Prætorio Orientis regebantur: qui & Diœcesis amplitudine & dignitate eminens primus appellatus, licet vniuerso præesset Orienti, tamen vt plurimum in Principis Comitatu sedebat. Sub eo vnicuique maiori Diœcesi singuli maiores Magistratus præfiebantur: Orientis Prouincijs quindecim, Comes: Aegypti sex, Præfectus Augustalis: tribus Asianis, Proconsul: & octo alijs, Vicarius: Ponticæ vndecim, Vicarius: & Thraciæ sex item Vicarius. Quod autem ad Prouincias spectat singulæ à singulis Præsidibus, Præsidum latè sumpto nomine, administrabantur, vt ab omnibus disci potest in Notitia Romani Imperij, ex qua Tabulam hancce confecimus.

	Proconsuli.	Asia.
	Præfidi.	Insulæ.
	Consulari.	Hellespontus.
Proconsul Asiæ sub quo Prouinciæ III. subditæ.	Cōsularib ⁹ . II.	Pamphylia.
		Lydia.
Vicarius Diœcesæus Asiæ, sub quo Prouinciæ VIII. subditæ.	Præsidib ⁹ . VI.	Pisidia.
		Lycaonia.
		Phrygia Pacatiana.
		Phrygia Salutaris.
		Lycia.
		Caria.
	Cōsularib ⁹ . II.	Galatia.
		Bithynia.
		Honorias.
In tribus dictis Diœcesibus Procons. I. Vicarij III.	Vicarius Diœcesæus Ponticæ, sub quo Prouinciæ XI. subditæ.	Præsidib ⁹ . VIII.
		Cappadocia prima.
		Cappadocia secunda.
		Hellenopontus.
		Pontus Polemoniacus.
		Armenia prima.
		Armenia secunda.
		Galatia Salutaris.
	Correctori I.	Paphlagonia.
	Vicarius Diœcesæus Thraciæ, sub quo Prouinciæ VI. subditæ.	Cōsularib ⁹ . II.
		Europa.
		Thracia.
		Hæmimons.
	Præsidib ⁹ . IV.	Rhodopes.
		Mœsia secunda.
		Scythia.

Cùm autem inter innumeras trium harum Diœcesæon ciuitates Constantinopolis primas habuerit, quippe quæ & Imperatoris, & secundi Ecclesiæ Patriarchæ sedes fuerit, ab hac initium ducere mihi visum est.

V.
DESCRIPTIO VR-
BIS CONSTANTI-
NOPOLIS.
^b Euseb. in Chron.
^c Zosim. hist. l. 2.

Byzantium Megarenses condidere anno secundo Olimpiadis trigesimæ, teste Eusebio^a. Constantinus autem, inquit Zosimus, huius vrbis situm admiratus, eam quam maximè statuit amplificare, aptamque efficere, quæ Principis domicilium esset. In colle sita est, eius. Isthmi partem complexa, quem id, quod Ceras, siue cornu vocant, & Propontis efficiunt. Murus eius per collem demissus ab occidentali parte, vsque ad Veneris ædem, & ipsum mare pertingebat, è regione Chrysopolis. Eodem modo & ab Aquilonarij